

NETÜRLÜ SEÇECENİZ?

Herbir seçici iki ayrı renklere seçim bülteni kabledecek. Prezident seçimnär bülteninä girecek devlet Prezident görevi kandidatlarının listesi.

Seçim bülteninä konstitüyalı respublika referendumunda girecek tekst Moldova Respublikasının Konstitüya diişilmekleri için Kanon proektinä göre hem soruş:
«Tutêrsınız mı siz pay Konstitüya diişilmeklerindän Moldova Respublikasını Evropa Birliinä baalamaa neetinnän?»

Seçim işlemleri:

1. Verin operatora dokumenti, gösterän Sizin kişiliinizi, ani kontrol yapmaa, koydular mı sizi seçimci temel listesinä.
2. Verin dokumenti, gösterän Sizin kişiliinizi seçim erinin komisiya azasına hem koyun imza seçimnär listesindä herbir kabledilän seçimnär bülteni için.
3. Seçim kabinasında koyun damga „VOTAT” („SEÇİLDİ”) salt bir devlet Prezident görevi kandidatının karşısında hem bir referendum soruşları cuvabının karşısında.
4. Salverin bülteni seçim urnasına.

DİKKAT!

- ! **Yasak ediler** seçim bültenlerini çıkarmaa seçim eri yapısından.
- ! Dolu seçim bültenlerinin **fotosunu yapmaa** olmaz.

Taa zeedä haber üürenin saytta
cec.md, voteaza.md, alegator.md

Biz soşial setlerindä



İzläyin bizi



Yazın bizä elektron poştaya
info@cec.md

Bizim adresimiz

Kişinöv mun.,
Vasile Aleksandri s., 119,
MD-2012

2024 yılın oktâbrinin 20-dä

Votează
cu încredere



**KONSTITÜYALI
RESPUBLİKA
REFERENDUMU**

**PREZİDENT GÖREVI
SEÇİMNERİ GEÇECEK**

Haber, temsil edilän cümnä interesini, Merkez seçim komisiyasınan Haber kampanyası konstitüyalı respublika referendumuna hem devlet Prezident görevi seçimnerinä göre yayınlanan 2024-cü yılı oktâbrinin 20-dän. Tiraj 2 000 ekzemplar, № 76-APr/2024 ot 20.08.2024 anlaşmaya göre ödendi.

2024 yılın oktäbrinin 20-dä Moldovada respublika konstitüiyalı referendumu hem Moldova Respublikasının Prezident görevi seçimneri geçecek.

KİMİN HAKI VAR SEÇİMNERÄ KATILMAA?



Seçim hakını kableder Moldova Respublikasının vatandaşları, ani seçim gününde tamannêêrlar **18 yaşını**, o vatandaşlardan kaarä, angılarından aldılar seçim hakını kanon kuralları sırasına görä.

Herbir katılan kendisi seçim eder. Başkasının erinä seçim etmäk yasaklanêr.



NEREDÄ YAKIŞËR SEÇİM EDÄSİNİZ?



Seçici seçim eder o seçim erindä, nereyi baalı yaşamak erinä görä ya da büünkü gerçek geçici bulunan erdä.

Seçim hak saabisi olan studentlär hem üürenicilär, ani bulunêrlar üüretim kurumlarında nesoyসা erleşmä erindä, da onnarın yoksa registratıyası yaşamak erindä ya da geçici bulunan erinä görä, yakışêr seçim etsinnär herbir açık seçim erindä, bu erdä mutlak göstererek kimniini (kişiliini) belli edän dokumenti ya da student/üürenici bületeni o yaşayan eri üüretim kurumundan.

Sentäbrinin 30-dan oktäbrinin 13-ünä



kadar yakışêr seçim erinin seçici komisiya ofisindä kontrol edäsiniz Sizin verilär dooruluunu, koyulmuş seçimcilär adınca listesinä. Hep ölä Siz var nicä kontrol yapasınız, angı seçim erinä siz baalıysınız, geçerek bu baalantıya <https://verifica.cec.md>.

NESOY DOKUMENTLERÄ GÖRÄ SİZ YAKIŞËR SEÇÄSİNİZ?



Seçim aşaadakı kişilii belli edän dokumentlerinin birini temel alarak olêr:

- ✓ Moldovanın Respublikası kimnik dokumentini, gösterän yaşamak erini ya da seçimcinin geçici bir zaman bu seçim erindä bulunmasını;
- ✓ geçici kimniini (kişiliini) belli edän dokumenti Moldova Respublikasının vatandaşlık nışanının hem yaşamak erini ya da geçici bulunma erini göstermesinnän.
- ✓ Moldova Respublikasının vatandaşlık pasportunu, bu sayıda geçmiş kullanma vakıdınının da.

NEZAMAN GEÇECEK SEÇİMNÄR?



Respublika Konstitüiya referendumu hem Moldova Respublikasının Prezident görevinä seçim geçecek bir gündä, **2024 yılın oktäbrinin 20-dä**. Seçim erleri **07:00 – 21:00** saatlar arasında açık olaceklar.